



縮刻唐石經尚書

下





尚書卷第六

泰誓上第一 周書

惟十有一年武王伐殷一月戊午師渡孟津作泰誓三篇

惟十有一年武王伐殷一月戊午師渡孟津作泰

誓三篇 宮室臺榭如也

惟十有三年春大會于孟津王曰嗟我友邦冢君

越我御事庶士明聽誓惟天地萬物父母惟人萬

物之靈亶聰明作元后元后作民父母今商王受弗敬上天降災下民沈湎冒色敢行暴虐罪人以族官人以世惟宮室臺榭陂池侈服以殘害于爾萬姓焚炙忠良剝剔孕婦皇天震怒命我文考肅將天威大勳未集肆予小子發以爾友邦冢君觀政于商惟受罔有悛心乃夷居弗事上帝神祇遺厥先宗廟弗祀犧牲粢盛既于凶盜乃曰吾有民有命罔懲其侮天佑下民作之君作之師惟其克

相上帝寵綏四方有罪無罪予曷敢有越厥志同力度德同德度義受有臣億萬惟億萬心予有臣三千惟一心商罪貫盈天命誅之予弗順天厥罪惟鈞予小子夙夜祇懼受命文考類于上帝宜于冢土以爾有衆底天之罰天矜于民民之所欲天必從之爾尚弼予一人永清四海時哉弗可失

泰誓中第二

周書

孔氏傳

惟戊午王次于河朔羣后以師畢會王乃徇師而誓曰嗚呼西土有衆咸聽朕言我聞吉人爲善惟日不足凶人爲不善亦惟日不足今商王受力行無度播弃犁老昵比罪人淫酗肆虐臣下化之朋家作仇脅權相滅無辜顛天穢德彰聞惟天惠民惟辟奉天有夏桀弗克若天流毒下國天乃佑命成湯降黜夏命惟受罪浮于桀剝喪元良賊虐諫輔謂己有天命謂敬不足行謂祭無益謂暴無傷

厥監惟不遠在彼夏王天其以予乂民朕夢協朕卜襲于休祥戎商必克受有億兆夷人離心離德予有亂十人同心同德雖有周親不如仁人天視自我民視天聽自我民聽百姓有過在予一人今朕必往我武惟揚侵于之疆取彼凶殘我伐用張于湯有光勗哉夫子罔或無畏寧執非敵百姓懍懍若崩厥角嗚呼乃一德一心立定厥功惟克永

世

泰誓下第三

周書

孔氏傳

時厥明王乃大巡六師明誓衆士王曰嗚呼我西
土君子天有顯道厥類惟彰今商王受狎侮五常
荒怠弗敬自絕于天結怨于民斲朝涉之脛剖賢
人之心作威殺戮毒痛四海崇信姦回放黜師保
屏弃典刑囚奴正士郊社不修宗廟不享作竒技
淫巧以悅婦人上帝弗順祝降時喪爾其孜孜奉

予一人恭行天罰古人有言曰撫我則后虐我則
讎獨夫受洪惟作威乃汝世讎樹德務滋除惡務
本肆予小子誕以爾衆士殄殲乃讎爾衆士其尚
迪果毅以登乃辟功多有厚賞不迪有顯戮嗚呼
惟我文考若日月之照臨光于四方顯于西土惟
我有周誕受多方予克受非予武惟朕文考無罪
受克予非朕文考有罪惟予小子無良

牧誓第四

周書

孔氏傳

武王戎車三百兩虎賁三百人與受戰于牧野作
牧誓 牧誓

時甲子昧爽王朝至于商郊牧野乃誓王左杖黃
鉞右秉白旄以麾曰逖矣西土之人王曰嗟我友
邦冢君御事司徒司馬司空亞旅師氏千夫長百
夫長及庸蜀羌髡微盧彭濮人稱爾戈比爾干立
爾矛予其誓王曰古人有言曰牝雞無晨牝雞之

晨惟家之索今商王受惟婦言用昏弃厥肆祀弗
答昏弃厥遺王父母弟不迪乃惟四方之多罪逋
逃是崇是長是信是使是以爲大夫卿士俾暴虐
于百姓以姦宄于商邑今予發惟恭行天之罰今
日之事不愆于六步七步乃止齊焉夫子勗哉不
愆于四伐五伐六伐七伐乃止齊焉勗哉夫子尚
桓桓如虎如貔如熊如羆于商郊弗迓克奔以役
西土勗哉夫子爾所弗勗其于爾躬有戮

武成第五

周書

孔氏傳

武王伐殷往伐歸獸識其政事作武成。武成
 惟一月壬辰旁死魄越翼日癸巳王朝步自周于
 征伐商厥四月哉生明王來自商至于豐乃偃武
 修文歸馬于華山之陽放牛于桃林之野示天下
 弗服丁未祀于周廟邦甸侯衛駿奔走執豆籩越
 三日庚戌柴望大告武成既生魄庶邦冢君暨百

工受命于周王若曰嗚呼羣后惟先王建邦啓土
 公劉克篤前烈至于太王肇基王迹王季其勤王
 家我文考文王克成厥勲誕膺天命以撫方夏大
 邦畏其力小邦懷其德惟九年大統未集予小子
 其承厥志底商之罪告于皇天后土所過名山大
 川曰惟有道曾孫周王發將有大正于商今商王
 受無道暴殄天物害虐烝民為天下逋逃主萃淵
 藪予小子既獲仁人敢祗承上帝以遏亂略華夏

尚書卷第六
蠻貊罔不率俾恭天成命肆予東征綏厥士女惟
其士女篚厥玄黃昭我周王天休震動用附我大
邑周惟爾有神尚克相予以濟兆民無作神羞既
戊午師逾孟津癸亥陳于商郊俟天休命甲子昧
爽受率其旅若林會于牧野罔有敵于我師前徒
倒戈攻于後以北血流漂杵一戎衣天下大定乃
反商政政由舊釋箕子囚封比干墓式商容閭散
鹿臺之財發鉅橋之粟大賚于四海而萬姓悅服

列爵惟五分土惟三建官惟賢位事惟能重民五
教惟食喪祭博信明義崇德報功垂拱而天下治

尚書卷第六

尚書卷第七

洪範第六

周書

孔氏傳

武王勝殷殺受立武庚以箕子歸作洪範曰洪範
 惟十有三祀王訪于箕子王乃言曰嗚呼箕子惟
 天陰隲下民相協厥居我不知其彝倫攸敘箕子
 乃言曰我聞在昔鯀陞洪水汨陳其五行帝乃震

怒不畀洪範九疇彝倫攸斃鯨則殛死禹乃嗣興
天乃錫禹洪範九疇彝倫攸敘

初一日五行次二曰敬用五事次三曰農用八政
次四曰協用五紀次五曰建用皇極次六曰乂用
三德次七曰明用稽疑次八曰念用庶徵次九曰
嚮用五福威用六極

一五行一曰水二曰火三曰木四曰金五曰土水
曰潤下火曰炎上木曰曲直金曰從革土爰稼穡

潤下作鹹炎上作苦曲直作酸從革作辛稼穡作

甘

二五事一曰貌二曰言三曰視四曰聽五曰思貌
曰恭言曰從視曰明聽曰聰思曰睿恭作肅從作
乂明作哲聰作謀睿作聖

三。八政一曰食二曰貨三曰祀四曰司空五曰司
徒六曰司寇七曰賓八曰師

四五紀一曰歲二曰月三曰日四曰星辰五曰曆

尚書卷七
數

五皇極皇建其有極斂時五福用敷錫厥庶民惟時厥庶民于汝極錫汝保極凡厥庶民無有淫朋人無有比德惟皇作極凡厥庶民有猷有爲有守汝則念之不協于極不罹于咎皇則受之而康而色曰予攸好德汝則錫之福時人斯其惟皇之極無虐罔獨而畏高明人之有能有爲使羞其行而邦其昌凡厥正人既富方穀汝弗能使有好于而

家時人斯其享于其無好德汝雖錫之福其作汝用咎無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直會其有極歸其有極曰皇極之敷言是彝是訓于帝其訓凡厥庶民極之敷言是訓是行以迓天子之光曰天子作民父母以爲天下王
六三德一曰正直二曰剛克三曰柔克平康正直

彊弗友剛克變友柔克沈潛剛克高明柔克惟辟
作福惟辟作威惟辟玉食臣無有作福作威玉食
臣之有作福作威玉食其害于而家凶于而國人
用側頗僻民用僭忒

七稽疑擇建立卜筮人乃命卜筮曰雨曰霽曰蒙
曰驛曰克曰貞曰悔凡七卜五占用二衍忒立時
人作卜筮三人占則從二人之言汝則有大疑謀
及乃心謀及卿士謀及庶人謀及卜筮汝則從龜

從筮從卿士從庶民從是之謂大同身其康彊子
孫其逢吉汝則從龜從筮從卿士逆庶民逆吉卿
士從龜從筮從汝則逆庶民逆吉庶民從龜從筮
從汝則逆卿士逆吉汝則從龜從筮逆卿士逆庶
民逆作內吉作外凶龜筮共違于人用靜吉用作
凶

曰肅時雨若曰乂時暘若曰哲時燠若曰謀時寒
 若曰聖時風若曰咎徵曰狂恒雨若曰僭恒暘若
 曰豫恒燠若曰急恒寒若曰蒙恒風若曰王省惟
 歲卿士惟月師尹惟日歲月日時無易百穀用成
 乂用明俊民用章家用平康日月歲時既易百穀
 用不成乂用昏不明俊民用微家用不寧庶民惟
 星星有好風星有好雨日月之行則有冬有夏月
 之從星則以風雨

九五福一曰壽二曰富三曰康寧四曰攸好德五
 曰考終命

六極一曰凶短折二曰疾三曰憂四曰貧五曰惡
 六曰弱武王既勝殷邦諸侯班宗彝作分器
 旅獒第七 周書

孔氏傳

西旅獻獒太保作旅獒 旅獒
 惟克商遂通道于九夷八蠻西旅底貢厥獒太保

乃作旅獒用訓于王曰嗚呼明王慎德四夷咸賓
無有遠邇畢獻方物惟服食器用王乃昭德之致
于異姓之邦無替厥服分寶玉于伯叔之國時庸
展親人不易物惟德其物德盛不狎侮狎侮君子
罔以盡人心狎侮小人罔以盡其力不役耳目百
度惟貞玩人喪德玩物喪志志以道寧言以道接
不作無益害有益功乃成不貴異物賤用物民乃
足犬馬非其土性不畜珍禽奇獸不育于國不寶

遠物則遠人格所寶惟賢則邇人安嗚呼夙夜罔
或不勤不矜細行終累大德為山九仞功虧一簣
允迪茲生民保厥居惟乃世王巢伯來朝芮伯作
旅巢命

金縢第八

周書

孔氏傳

武王有疾周公作金縢 金縢
既克商二年王有疾弗豫二公曰我其為王穆卜

尚書卷七
六
周公曰未可以戚我先王公乃自以為功為三壇同墀為壇於南方北面周公立焉植璧秉珪乃告太王王季文王史乃冊祝曰惟爾元孫某邁厲虐疾若爾三王是有丕子之責于天以旦代某之身予仁若考能多材多藝能事鬼神乃元孫不若旦多材多藝不能事鬼神乃命于帝庭敷佑四方用能定爾子孫于下地四方之民罔不祇畏嗚呼無墜天之降寶命我先王亦永有依歸今我即命于

元龜爾之許我我其以璧與珪歸俟爾命爾不許我我乃屏璧與珪乃卜三龜一習吉啓籥見書乃并是吉公曰體王其罔害予小子新命于三王惟永終是圖茲攸俟能念予一人公歸乃納冊于金縢之匱中王翼日乃瘳武王既喪管叔及其羣弟乃流言於國曰公將不利於孺子周公乃告二公曰我之弗辟我無以告我先王周公居東二年則罪人斯得于後公乃為詩以貽王名之曰鷓鴣王

亦未敢誚公秋大熟未獲天大雷電以風禾盡偃
 大木斯拔邦人大恐王與大夫盡弁以啓金縢之
 書乃得周公所自以為功代武王之說二公及王
 乃問諸史與百執事對曰信噫公命我勿敢言王
 執書以泣曰其勿穆卜昔公勤勞王家惟予沖人
 弗及知今天動威以彰周公之德惟朕小子其新
 逆我國家禮亦宜之王出郊天乃雨反風禾則盡
 起二公命邦人凡大木所偃盡起而築之歲則大

熟

大誥第九

周書

孔氏傳

武王崩三監及淮夷叛周公相成王將黜殷作大
 誥大誥爾多邦越爾御事弗弔天降割于
 我家不少延洪惟我幼沖人嗣無疆大歷服弗造
 哲迪民康矧曰其有能格知天命已予惟小子若

涉淵水予惟往求朕攸濟敷賁敷前人受命茲不忘大功予不敢閉于天降威用寧王遺我大寶龜紹天明即命曰有大艱于西土西土人亦不靜越茲蠢殷小腆誕敢紀其敘天降威知我國有疵民不康曰予復反鄙我周邦今蠢今翼日民獻有十夫予翼以于救寧武圖功我有大事休朕卜并吉肆予告我友邦君越尹氏庶士御事曰予得吉卜予惟以爾庶邦于伐殷逋播臣爾庶邦君越庶士

御事罔不反曰艱大民不靜亦惟在王宮邦君室越予小子考翼不可征王害不違卜肆予冲人永思艱曰嗚呼允蠢鰥寡哀哉予造天役遺大投艱于朕身越予冲人不叩自恤義爾邦君越爾多士尹氏御事綏予曰無恣于恤不可不成乃寧考圖功已予惟小子不敢替上帝命天休于寧王興我小邦周寧王惟卜用克綏受茲命今天其相民矧亦惟卜用嗚呼天明畏弼我不丕基王曰爾惟舊

人爾丕克遠省爾知寧王若勤哉天閔嗚呼我成功
所予不敢不極卒寧王圖事肆予大化誘我友邦
君天棐忱辭其考我民予曷其不于前寧人圖功
攸終天亦惟用勤嗚呼我民若有疾予曷敢不于前
寧人攸受休畢王曰若昔朕其逝朕言艱日思若
考作室既底法厥子乃弗肯堂矧肯構厥父蓄厥
子乃弗肯播矧肯穫厥考翼其肯曰予有後弗弃
基肆予曷敢不越卬救寧王大命若見考乃有友

伐厥子民養其勸弗救王曰嗚呼肆哉爾庶邦君
越爾御事爽邦由哲亦惟十人迪知上帝命越天
棐忱爾時罔敢易法矧今天降戾于周邦惟大艱
人誕鄰胥伐于厥室爾亦不知天命不易予永念
曰天惟喪殷若穡夫予曷敢不終朕畀天亦惟休于
前寧人予曷其極卜敢弗于從率寧人有指疆土矧
今卜并吉肆朕誕以爾東征天命不僭卜陳惟若茲
微子之命第十

周書

孔氏傳

成王既黜殷命殺武庚命微子啓代殷後作微子之命 微子之命

王若曰猷殷王元子惟稽古崇德象賢統承先王修其禮物作賓于王家與國咸休永世無窮嗚呼乃祖成湯克齊聖廣淵皇天眷佑誕受厥命撫民以寬除其邪虐功加于時德垂後裔爾惟踐修厥猷舊有令聞恪慎克孝肅恭神人予嘉乃德曰篤

不忘上帝時歌下民祗協庸建爾于上公尹茲東夏欽哉往敷乃訓慎乃服命率由典常以蕃王室弘乃烈祖律乃有民永綏厥位毗予一人世世享德萬邦作式俾我有周無斁嗚呼往哉惟休無替朕命唐叔得禾異畝同穎獻諸天子王命唐叔歸周公于東作歸禾周公既得命禾旅天子之命作嘉禾

周周公咸勤乃洪大誥治王若曰孟侯朕其弟小子封惟乃丕顯考文王克明德慎罰不敢侮鰥寡庸庸祗祗威威顯民用肇造我區夏越我一二邦以修我西土惟時怙冒聞于上帝帝休天乃大命文王殪戎殷誕受厥命越厥邦厥民惟時敘乃寡兄勗肆汝小子封在茲東土王曰嗚呼封汝念哉今民將在祗適乃文考紹聞衣德言往敷求于殷先哲王用保乂民汝丕遠惟商考成人宅心知訓

別求聞由古先哲王用康保民弘于天若德裕乃身不廢在王命王曰嗚呼小子封恫瘝乃身敬哉天畏棐忱民情大可見小人難保往盡乃心無康好逸豫乃其乂民我聞曰怨不在大亦不在小惠不惠懋不懋已汝惟小子乃服惟弘王應保殷民亦惟助王宅天命作新民王曰嗚呼封敬明乃罰人有小罪非眚乃惟終自作不典式爾有厥罪小乃不可不殺乃有大罪非終乃惟眚災適爾既道

極厥辜時乃不可殺王曰嗚呼封有敘時乃大明服惟民其勅懋和若有疾惟民其畢弃咎若保赤子惟民其康乂非汝封刑人殺人無或刑人殺人非汝封又曰劓刑人無或劓刑人王曰外事汝陳時臬司師茲殷罰有倫又曰要囚服念五六日至于旬時丕蔽要囚王曰汝陳時臬事罰蔽殷彝用其義刑義殺勿庸以次汝封乃汝盡遜曰時敘惟曰未有遜事已汝惟小子未其有若汝封之心朕

心朕德惟乃知凡民自得罪寇攘姦宄殺越人于貨譬不畏死罔弗懲王曰封元惡大憝矧惟不孝不友子弗祗服厥父事大傷厥考心于父不能字厥子乃疾厥子于弟弗念天顯乃弗克恭厥兄兄亦不念鞠子哀大不友于弟惟弔茲不于我政人得罪天惟與我民彝大泯亂曰乃其速由文王作罰刑茲無赦不率大夏矧惟外庶子訓人惟厥正人越小臣諸節乃別播敷造民大譽弗念弗庸瘵

厥君時乃引惡惟朕。懃已汝乃其速。由茲義率殺。亦惟君惟長。不能厥家人。越厥小臣外。正惟威惟。虐大放王命。乃非德用。又汝亦罔不克敬典。乃由。裕民惟文王之敬。忌乃裕民。曰我惟有及。則予一人以懌王。曰封爽惟民迪吉。康我時其惟殷先哲。王德用康乂。民作求矧。今民罔迪不適。不迪則罔。政在厥邦。王曰封予惟不可不監。告汝德之說于。罰之行。今惟民不靜。未戾厥心。迪屢未同爽。惟天。

其罰殛我。我其不怨。惟厥罪無在大。亦無在多。矧。曰其尚顯聞于天王。曰嗚呼。封敬哉。無作怨。勿用。非謀。非彛蔽。時忱丕則。敬德用。康乃心。顧乃德。遠。乃猷裕。乃以民寧。不汝瑕殄。王曰嗚呼。肆汝小子。封惟命不于常。汝念哉。無我殄享。明乃服命。高乃。聽用康乂。民王若曰。往哉。封勿替敬典。聽朕誥。汝。乃以殷民世享。

酒誥第十二

周書

孔氏傳

酒誥

王若曰明大命于妹邦乃穆考文王肇國在西土
 厥誥庶邦庶士越少正御事朝夕曰祀茲酒惟
 天降命肇我民惟元祀天降威我民用大亂喪德
 亦罔非酒惟行越小大邦用喪亦罔非酒惟辜文
 王誥教小子有正有事無彝酒越庶國飲惟祀德
 將無醉惟曰我民迪小子惟土物愛厥心臧聰聽

祖考之彝訓越小大德小子惟一妹土嗣爾股肱
 純其藝黍稷奔走事厥考厥長肇牽車牛遠服賈
 用孝養厥父母厥父母慶自洗腆致用酒庶士有
 正越庶伯君子其爾典聽朕教爾大克羞者惟君
 爾乃飲食醉飽丕惟曰爾克永觀省作稽中德爾
 尚克羞饋祀爾乃自介用逸茲乃允惟王正事之
 臣茲亦惟天若元德永不忘在王家王曰封我西
 土棗祖邦君御事小子尚克用文王教不腆于酒

故我至于今克受殷之命王曰封我聞惟曰在昔
殷先哲王迪畏天顯小民經德秉哲自成湯成至
于帝乙成王畏相惟御事厥棐有恭不敢自暇自
逸矧曰其敢崇飲越在外服侯甸男衛邦伯越在
內服百僚庶尹惟亞惟服宗工越百姓里居罔敢
湎于酒不惟不敢亦不暇惟助成王德顯越尹人
祇辟我聞亦惟曰在今後嗣王酣身厥命罔顯于
民祇保越怨不易誕惟厥縱淫泆于非彝用燕喪

威儀民罔不盡傷心惟荒腆于酒不惟自息乃逸
厥心疾很不克畏死辜在高邑越殷國滅無罹弗
惟德馨香祀登聞于天誕惟民怨庶羣自酒腥聞
在上故天降喪于殷罔愛于殷惟逸天非虐惟民
自速辜王曰封予不惟若茲多誥古人有言曰人
無於水監當於民監今惟殷墜厥命我其可不
大監撫于時予惟曰汝劼罔殷獻臣侯甸男衛矧太
史友內史友越獻臣百宗工矧惟爾事服休服采

矧惟若疇圻父薄違農父若保宏父定辟矧汝剛
制于酒厥或誥曰羣飲汝勿佚盡執拘以歸于周
予其殺又惟殷之迪諸臣惟工乃湏于酒勿庸殺
之姑惟教之有斯明享乃不用我教辭惟我一人
弗恤弗蠲乃事時同于殺王曰封汝典聽朕恣勿
辯乃司民湏于酒

梓材第十三

周書

孔氏傳

梓材

王曰封以厥庶民暨厥臣達大家以其臣達王惟
邦君汝若恒越曰我有師師司徒司馬司空尹旅
曰予罔厲殺人亦厥君先敬勞肆徂厥敬勞肆往
姦宄殺人歷人宥肆亦見厥君事戕敗人宥王啓
監厥亂為民曰無昏戕無昏虐至于敬寡至于屬
婦合由以容王其效邦君越御事厥命曷以引養
引恬自古王若茲監罔攸辟惟曰若稽田既勤敷

蓄惟其陳修爲厥疆畎若作室家既勤垣墉惟其
塗暨茨若作梓材既勤樸斲惟其塗丹雘今王惟
曰先王既勤用明德懷爲夾庶邦享作兄弟方來
亦既用明德后式典集庶邦丕享皇天既付中國
民越厥疆土于先王肆王惟德用和懌先後迷民
用懌先王受命已若茲監惟曰欲至于萬年惟王
子子孫孫永保民

召誥第十四

周書

孔氏傳

成王在豐欲宅洛邑使召公先相宅作召誥 召
誥

惟二月既望越六日乙未王朝步自周則至于豐
惟太保先周公相宅越若來三月惟丙午朏越三
日戊申太保朝至于洛卜宅厥既得卜則經營越
三日庚戌太保乃以庶殷攻位于洛汭越五日甲
寅位成若翼日乙卯周公朝至于洛則達觀于新

邑營越三日丁巳用牲于郊牛二越翼日戊午乃
社于新邑牛一豕一越七日甲子周公乃朝
用書命庶殷侯甸男邦伯厥既命殷庶庶殷丕作
太保乃以庶邦冢君出取幣乃復入錫周公曰拜
手稽首旅王若公誥告庶殷越自乃御事嗚呼皇
天上帝改厥元子茲大國殷之命惟王受命無疆
惟休亦無疆惟恤嗚呼曷其奈何弗敬天既遐終
大邦殷之命茲殷多先哲王在天越厥後王後民

茲服厥命厥終智藏瘝在夫知保抱攜持厥婦子
以哀籲天徂厥亡出執嗚呼天亦哀于四方民其
眷命用懋王其疾敬德相古先民有夏天迪從子
保面稽天若今時既墜厥命令相有殷天迪格保
面稽天若今時既墜厥命令沖子嗣則無遺壽考
曰其稽我古人之德矧曰其有能稽謀自天嗚呼
有王雖小元子哉其丕能誠于小民今休王不敢
後用顧畏于民君王來紹上帝自服于土中旦曰

其作大邑其自時配皇天。絜祀于上下。其自時中。又王厥有成命治民。今休王先服殷御事。比介于我有周御事。節性惟日。其邁王敬作所。不可不敬德。我不可不監于有夏。亦不可不監于有殷。我不敢知曰。有夏服天命。惟有歷年。我不敢知曰。不其延。惟不敬厥德。乃早墜厥命。我不敢知曰。有殷受天命。惟有歷年。我不敢知曰。不其延。惟不敬厥德。乃早墜厥命。今王嗣受厥命。我亦惟茲二國命。

嗣若功。王乃初服。嗚呼。若生子罔不在厥初。生自貽哲命。今天其命哲。命吉凶。命歷年。知今我初服宅新邑。肆惟王其疾敬德。王其德之用。祈天永命。其惟王勿以小民淫用非彝。亦敢殄戮用乂。民若有功。其惟王位在德元。小民乃惟刑用于天下。越王顯上下勤恤。其曰我受天命。丕若有夏歷年。式勿替有殷歷年。欲王以小民受天永命。拜手稽首。曰予小臣敢以王之讎。民百君子。越友民保受王。

威命明德王末有成命王亦顯我非敢勤惟恭奉
幣用供王能祈天永命小丹受天永命拜手稽首
王既止不懼其曰姓受天命丕若亦更氣平左
尚書卷第八 其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左
其曰姓受天命丕若亦更氣平左

尚書卷第九

洛誥第十五

周書

孔氏傳

召公既相宅周公往營成周使來告卜作洛誥

洛誥

周公拜手稽首曰朕復子明辟王如弗敢及天基
命定命予乃胤保大相東土其基作民明辟予惟

乙卯朝至于洛師我卜河朔黎水我乃卜澗水東
灋水西惟洛食我又卜灋水東亦惟洛食佯來以
圖及獻卜王拜手稽首曰公不敢不敬天之休來
相宅其作周匹休公既定宅佯來來視予卜休恒
吉我二人共貞公其以予萬億年敬天之休拜手
稽首誨言周公曰王肇稱殷禮祀于新邑咸秩無
文予齊百工佯從王于周予惟曰庶有事今王即
命日記功宗以功作元祀惟命曰汝受命篤弼丕

視功載乃汝其悉自教工孺子其朋孺子其朋其
往無若火始皇皇厥攸灼敘弗其絕厥若彝及撫
事如予惟以在周工往新邑佯嚮即有僚明作有
功惇大成裕汝永有辭公曰已汝惟冲子惟終汝
其敬識百辟享亦識其有不享享多儀儀不及物
惟曰不享惟不役志于享凡民惟曰不享惟事其
爽侮乃惟孺子頌朕不暇聽朕教汝于棊民彝汝
乃是不履乃時惟不永哉篤敘乃正父罔不若予

尚書卷九
不敢廢乃命汝往敬哉茲予其明農哉彼裕我民
無遠用戾王若曰公明保予沖子公稱丕顯德以
予小子揚文武烈奉答天命和恒四方民居師惇
宗將禮稱秩元祀咸秩無文惟公德明光于上下
勤施于四方旁作穆穆迓衡不迷文武勤教予沖
子夙夜罔祀王曰公功斐迪篤罔不若時王曰公
予小子其退即辟于周命公後四方迪亂未定于
宗禮亦未克救公功迪將其後監我士師工誕保

文武受民亂爲四輔王曰公定予往已公功肅將
祇歡公無困哉我惟無斁其康事公勿替刑四方
其世享周公拜手稽首曰王命予來承保乃文祖
受命民越乃光烈考武王弘朕恭孺子來相宅其
大惇典殷獻民亂爲四方新辟作周恭先曰其自
時中乂萬邦咸休惟王有成績予旦以多子越御
事篤前人成烈荅其師作周孚先考朕昭子刑乃
單文祖德倅來罔殷乃命寧予以秬鬯二卣曰明

禮拜手稽首休享予不敢宿則禮于文王武王惠
篤敘無有違自疾萬年馱于乃德殷乃引考王倅
殷乃承敘萬年其永觀朕子懷德戊辰王在新邑
烝祭歲文王駢牛一武王駢牛一王命作冊逸祝
冊惟告周公其後王賓殺禮咸格王入太室裸王
命周公後作冊逸誥在十有二月惟周公誕保文
武受命惟七年
多士第十六
周書

成周既成遷殷頑民周公以王命誥作多士
惟三月周公初于新邑洛用告商王士王若曰爾
殷遺多士弗弔旻天大降喪于殷我有周佑命將
天明威致王罰勅殷命終于帝肆爾多士非我小
國敢弋殷命惟天不畀允罔固亂弼我我其敢求
位惟帝不畀惟我下民秉爲惟天明畏我聞曰上

帝引逸有夏不適逸則惟帝降格嚮于時夏弗克庸帝大淫泆有辭惟時天罔念聞厥惟廢元命降致罰乃命爾先祖成湯革夏俊民甸四方自成湯至于帝乙罔不明德恤祀亦惟天丕建保乂有殷殷王亦罔敢失帝罔不配天其澤在今後嗣王誕罔顯于天矧曰其有聽念于先王勤家誕淫厥泆罔顧于天顯民祇惟時上帝不保降若茲大喪惟天不畀不明厥德凡四方小大邦喪罔非有辭于

罰王若曰爾殷多士今惟我周王丕靈承帝事有命曰割殷告勅于帝惟我事不貳適惟爾王家我適予其曰惟爾洪無度我不爾動自乃邑予亦念天即于殷大戾肆不正王曰猷告爾多士予惟時其遷居西爾非我一人奉德不康寧時惟天命無違朕不敢有後無我怨惟爾知惟殷先人有冊有典殷革夏命今爾又曰夏迪簡在王庭有服在百僚予一人惟聽用德肆予敢求爾于天邑商予惟

率肆矜爾非予罪時惟天命王曰多士昔朕來自
奄予大降爾四國民命我乃明致天罰移爾遐迹
比事臣我宗多遜王曰告爾殷多士今予惟不爾
殺予惟時命有申今朕作大邑于茲洛予惟四方
罔攸賓亦惟爾多士攸服奔走臣我多遜爾乃尚
有爾土爾乃尚寧幹止爾克敬天惟畀矜爾爾不
克敬爾不啻不有爾土予亦致天之罰于爾躬今
爾惟時宅爾邑繼爾居爾厥有幹有年于茲洛爾

小子乃興從爾遷王曰又曰時予乃或言爾攸居
無逸第十七

周書

孔氏傳

周公作無逸 無逸

周公曰嗚呼君子所其無逸先知稼穡之艱難乃
逸則知小人之依相小人厥父母勤勞稼穡厥子
乃不知稼穡之艱難乃逸乃諛既誕否則侮厥父
母曰昔之人無聞知周公曰嗚呼我聞曰昔在殷

尚書卷九
王中宗嚴恭寅畏天命自度治民祇懼不敢荒寧
肆中宗之享國七十有五年其在高宗時舊勞于
外爰暨小人作其即位乃或亮陰三年不言其惟
不言言乃雍不敢荒寧嘉靖殷邦至于小大無時
或怨肆高宗之享國五十有九年其在祖甲不義
惟王舊爲小人作其即位爰知小人之依能保惠
于庶民不敢侮鰥寡肆祖甲之享國卅有三年自
時厥後立王生則逸生則逸不知稼穡之艱難不

聞小人之勞惟耽樂之從自時厥後亦罔或克壽
或十年或七八年或五六年或四三年周公曰嗚
呼厥亦惟我周太王王季克自抑畏文王卑服即
康功田功徽柔懿恭懷保小民惠鮮鰥寡自朝至
于日中晷不遑暇食用咸和萬民文王不敢盤于
遊田以庶邦惟正之供文王受命惟中身厥享國
五十年周公曰嗚呼繼自今嗣王則其無淫于觀
于逸于遊于田以萬民惟正之供無皇曰今日耽

尚書卷九
樂乃非民攸訓非天攸若時人不則有愆無若殷
王受之迷亂酗于酒德哉周公曰嗚呼我聞曰古
之人猶胥訓告胥保惠胥教誨民無或胥壽張爲
幻此厥不聽人乃訓之乃變亂先王之正刑至于
小大民否則厥心違怨否則厥口詛祝周公曰嗚
呼自殷王中宗及高宗及祖甲及我周文王茲四
人迪哲厥或告之曰小人怨汝詈汝則皇自敬德
厥愆曰朕之愆允若時不啻不敢含怒此厥不聽

人乃或壽張爲幻曰小人怨汝詈汝則信之則若
時不永念厥辟不寬綽厥心亂罰無罪殺無辜怨
有同是叢于厥身周公曰嗚呼嗣王其監于茲

尚書卷第九

尚書卷第十
召公為保周公為師相成王為左右召公不說周
公作君奭君奭
周公若曰君奭弗弔天降喪于殷殷既墜厥命我
有周既受我不敢知曰厥基永孚于休若天棗忱

尚書卷第十

君奭第十八

周書

孔氏傳

召公為保周公為師相成王為左右召公不說周
公作君奭君奭

周公若曰君奭弗弔天降喪于殷殷既墜厥命我
有周既受我不敢知曰厥基永孚于休若天棗忱

我亦不敢知曰其終出于不祥嗚呼君已曰時我
我亦不敢寧于上帝命弗永遠念天威越我民罔
尤違惟人在我後嗣子孫大弗克恭上下遏佚前
人光在家不知天命不易天難謀乃其隊命弗克
經歷嗣前人恭明德在今予小子旦非克有正迪
惟前人光施于我冲子又曰天不可信我道惟寧
王德延天不庸釋于文王受命公曰君奭我聞在
昔成湯既受命時則有若伊尹格于皇天在太甲

時則有若保衡在太戊時則有若伊陟臣扈格于
上帝巫咸又王家在祖乙時則有若巫賢在武丁
時則有若甘盤率惟茲有陳保又有殷故殷禮陟
配天多歷年所天惟純佑命則商實百姓王人罔
不秉德明恤小臣屏侯甸矧咸奔走惟茲惟德稱
用又厥辟故一人有事于四方若卜筮罔不是孚
公曰君奭天壽平格保又有殷有殷嗣天滅威今
汝永念則有固命厥亂明我新造邦公曰君奭在

昔上帝割申勸寧王之德其集大命于厥躬惟文
王尚克修和我有夏亦惟有若虢叔有若閔大有
若散宜生有若泰顛有若南宮括又曰無能往來
茲迪彝教文王蔑德降于國人亦惟純佑秉德迪
知天威乃惟時昭文王迪見冒聞于上帝惟時受
有殷命哉武王惟茲四人尚迪有祿後暨武王誕
將天威咸劉厥敵惟茲四人昭武王惟冒丕單稱
德今在予小子旦若游大川予往暨汝奭其濟小

子同未在位誕無我責收罔勗不及者造德不降
我則鳴鳥不聞矧曰其有能格公曰嗚呼君肆其
監于茲我受命無疆惟休亦大惟艱告君乃猷裕
我不以後人迷公曰前人敷乃心乃悉命汝作汝
民極曰汝明勗偶王在亶乘茲大命惟文王德丕
承無疆之恤公曰君告汝朕允保奭其汝克敬以
予監于殷喪大否肆念我天威予不允惟若茲誥
予惟曰襄我二人汝有合哉言曰在時二人天休

滋至惟時二人弗戡其汝克敬德明我俊民在讓
後人于丕時嗚呼篤棐時二人我式克至于今日
休我威成文王功于不怠丕冒海隅出日罔不率
俾公曰君子不惠若茲多誥予惟用閔于天越民
公曰嗚呼君惟乃知民德亦罔不能厥初惟其終
祇若茲往敬用治

蔡仲之命第十九

周書

孔氏傳

蔡叔既沒王命蔡仲踐諸侯位作蔡仲之命 蔡
仲之命

惟周公位冢宰正百工羣叔流言乃致辟管叔于
高囿蔡叔于郭鄰以車七乘降霍叔于庶人三年
不齒蔡仲克庸祇德周公以為卿士叔卒乃命諸
王邦之蔡王若曰小子胡惟爾率德改行克慎厥
猷肆予命爾侯于東土往即乃封敬哉爾尚蓋前
人之愆惟忠惟孝爾乃邁迹自身克勤無怠以垂

憲乃後率乃祖文王之彝訓無若爾考之違王命
 皇天無親惟德是輔民心無常惟惠之懷為善不
 同同歸于治為惡不同同歸于亂爾其戒哉慎厥
 初惟厥終終以不困不惟厥終終以困窮懋乃攸
 績睦乃四鄰以蕃王室以和兄弟康濟小民率自
 中無作聰明亂舊章詳乃視聽罔以側言改厥度
 則予一人汝嘉王曰嗚呼小子胡汝往哉無荒弃
 朕命成王東伐淮夷遂踐奄作成王政成王既踐

奄將遷其君於蒲姑周公告召公作將蒲姑
 多方第廿

周書

孔氏傳

成王歸自奄在宗周誥庶邦作多方 多方
 惟五月丁亥王來自奄至于宗周周公曰王若曰
 猷告爾四國多方惟爾殷侯尹民我惟大降爾命
 爾罔不知洪惟圖天之命弗永寅念于祀惟帝降
 格于夏有夏誕厥逸不肯感言于民乃大淫昏不

克終日勸于帝之迪乃爾攸聞厥圖帝之命不克
開于民之麗乃大降罰崇亂有夏因甲于內亂不
克靈承于旅罔丕惟進之恭洪舒于民亦惟有夏
之民叨憤日欽劓割夏邑天惟時求民主乃大降
顯休命于成湯刑殄有夏惟天不畀純乃惟以爾
多方之義民不克永于多享惟夏之恭多士大不
克明保享于民乃昏惟虐于民至于百為大不克
開乃惟成湯克以爾多方簡代夏作民主慎厥麗

乃勸厥民刑用勸以至于帝乙罔不明德慎罰亦
克用勸要囚殄戮多罪亦克用勸開釋無辜亦克
用勸今至于爾辟弗克以爾多方享天之命嗚呼
王若曰誥告爾多方非天庸釋有夏非天庸釋有
殷乃惟爾辟以爾多方大淫圖天之命屑有辭乃
惟有夏圖厥政不集于享天降時喪有邦間之乃
惟爾商後王逸厥逸圖厥政不蠲烝天惟降時喪
惟聖罔念作狂惟克念作聖天惟五年須暇之

子孫誕作民主罔可念聽天惟求爾多方大動以
威開厥顧天惟爾多方罔堪顧之惟我周王靈承
于旅克堪用德惟典神天天惟式教我用休簡畀
殷命尹爾多方今我曷敢多誥我惟大降爾四國
民命爾曷不忱裕之于爾多方爾曷不夾介乂我
周王享天之命今爾尚宅爾宅畋爾田爾曷不惠
王熙天之命爾乃迪屢不靜爾心未愛爾乃不大
宅天命爾乃屑播天命爾乃自作不典圖忱于正

我惟時其教告之我惟時其戰要囚之至于再至
于三乃有不用我降爾命我乃其大罰殛之非我
有周秉德不康寧乃惟爾自速辜王曰嗚呼猷告
爾有方多士暨殷多士今爾奔走臣我監五祀越
惟有胥伯小大多正爾罔不克臬自作不和爾惟
和哉爾室不睦爾惟和哉爾邑克明爾惟克勤乃
事爾尚不忌于凶德亦則以穆穆在乃位克閱于
乃邑謀介爾乃自時洛邑尚永力畋爾田天惟畀

矜爾我有周惟其大介賚爾迪簡在王庭尚爾事
有服在大僚王曰嗚呼多士爾不克勸忱我命爾
亦則惟不克享凡民惟曰不享爾乃惟逸惟頗大
遠王命則惟爾多方探天之威我則致天之罰離
逖爾土王曰我不惟多誥我惟祗告爾命又曰時
惟爾初不克敬于和則無我怨

立政第廿一

周書

孔氏傳

周公作立政 立政

周公若曰拜手稽首告嗣天子王矣用咸戒于王
曰王左右常伯常任準人綴衣虎賁周公曰嗚呼
休茲知恤鮮哉古之人迪惟有夏乃有室大競籲
俊尊上帝迪知忱恂于九德之行乃敢告教厥后
曰拜手稽首后矣曰宅乃事宅乃牧宅乃準茲惟
后矣謀面用丕訓德則乃宅人茲乃三宅無義民
桀德惟乃弗作往任是惟暴德罔後亦越成湯陟

丕釐上帝之耿命乃用三有宅克即宅曰三有俊
克即俊嚴惟丕式克用三宅三俊其在商邑用協
于厥邑其在四方用丕式見德嗚呼其在受德啓
惟羞刑暴德之人同于厥邦乃惟庶習逸德之人
同于厥政帝欽罰之乃俾我有夏式商受命奄甸
萬姓亦越文王武王克知三有宅心灼見三有俊
心以敬事上帝立民長伯立政任人準夫牧作三
事虎賁綴衣趣馬小尹左右攜僕百司庶府大都

小伯藝人表臣百司太史尹伯庶常吉士司徒司
馬司空亞旅夷微盧烝三亳阪尹文王惟克厥宅
心乃克立茲常事司牧人以克俊有德文王罔攸
兼于庶言庶獄庶慎惟有司之牧夫是訓用違庶
獄庶慎文王罔敢知于茲亦越武王率惟救功不
敢替厥義德率惟謀從容德以並受此丕丕基嗚
呼孺子王矣繼自今我其立政立事準人牧夫我
其克灼知厥若丕乃俾亂相我受民和我庶獄庶

尚書卷十
九
慎時則勿有間之。自話一言我則末。惟成德之彥。以乂我受民。嗚呼。予旦已受人之徽言。咸告孺子王矣。繼自今。文子文孫。其勿誤于庶獄。庶慎。惟正是乂之。自古商人亦越我周文王立政。立事牧夫。準人則克宅之。克由繹之。茲乃俾乂國。則罔有立政。用儉人不訓于德。是罔顯在厥世。繼自今立政。其勿以儉人。其惟吉士用勸。相我國家。今文子文孫。孺子王矣。其勿誤于庶獄。惟有司之牧夫。其克

詰爾戎兵。以陟禹之迹。方行天下。至于海表。罔有不服。以覲文王之耿光。以揚武王之烈。嗚呼。繼自今後王立政。其惟克用常人。周公若曰。太史司寇。蘇公式敬爾由獄。以長我王國。茲式有慎。以列用中罰。

尚書卷第十

尚書卷第十一

周官第廿二

周書

孔氏傳

成王既黜殷命滅淮夷還歸在豐作周官周官
 惟周王撫萬邦巡侯甸四征弗庭綏厥兆民六服
 羣辟罔不承德歸于宗周董正治官王曰若昔大
 猷制治于未亂保邦于未危曰唐虞稽古建官惟

尚書卷十一
百內有百。揆四岳外有州牧侯伯庶政惟和。萬國咸寧。夏商官倍亦克用。又明王立政不惟其官惟其人。今予小子祇勤于德夙夜不逮。仰惟前代時若訓迪。厥官立太師太傅太保。茲惟三公論道經邦。變理陰陽官不必備。惟其人少。師少傅少保曰三孤。貳公弘化。寅亮天地。弼予一人。冢宰掌邦治。統百官。均四海。司徒掌邦教。敷五典。擾兆民。宗伯掌邦禮。治神人。和上下。司馬掌邦政。統六師。平邦。

國司寇掌邦禁。詰姦慝。刑暴亂。司空掌邦土。居四民。時地利。六卿分職。各率其屬。以倡九牧。阜成兆民。六年五服一朝。又六年王乃時巡。考制度于四岳。諸侯各朝于方岳。大明黜陟。王曰嗚呼。凡我有官君子。欽乃攸司。慎乃出令。令出惟行。弗惟反。以公滅私。民其允懷。學古入官。議事以制。政乃不迷。其爾典常。作之師。無以利口。亂厥官。蓄疑敗謀。怠忽荒政。不學牆面。莅事惟煩。戒爾卿士。功崇惟志。

尚書卷十一

尚書卷十一
業廣惟勤。惟克果斷。乃罔後艱。位不期。驕祿不期。侈恭儉。惟德無載。爾僞作德。心逸日休。作僞心勞。日拙。居寵思危。罔不惟畏。弗畏入畏。推賢讓能。庶官乃和。不和政。厖舉能其官。惟爾之能。稱匪其人。惟爾不任。王曰。嗚呼。三事暨大夫。敬爾有官。亂爾有政。以佑乃辟。永康兆民。萬邦惟無斁。成王既伐東夷。肅慎來賀。王俾榮伯作賄。肅慎之命。周公在豐。將沒。欲葬。成周公薨。成王葬于畢。告周公作亳。

姑

君陳第廿三

周書

孔氏傳

周公既沒。命君陳分正東郊。成周作君陳。君陳曰。若曰。君陳惟爾。令德孝恭。惟孝友于兄弟。克施有政。命汝尹茲東郊。敬哉。昔周公師保萬民。民懷其德。往慎乃司。茲率厥常。懋昭周公之訓。惟民其乂。我聞曰。至治馨香。感于神明。黍稷非馨。明德惟

尚書卷十一
三
馨爾尚式時周公之猷訓惟日孜孜無敢逸豫凡人未見聖若不克見既見聖亦不克由聖爾其戒哉爾惟風下民惟草圖厥政莫或不艱有廢有興出入自爾師虞庶言同則繹爾有嘉謀嘉猷則入告爾后于內爾乃順之于外曰斯謀斯猷惟我后之德嗚呼臣人咸若時惟良顯哉王曰君陳爾惟弘周公丕訓無依勢作威無倚法以削寬而有制從容以和殷民在辟予曰辟爾惟勿辟予曰宥爾

惟勿宥惟厥中有弗若于汝政弗化于汝訓辟以止辟乃辟狃于姦宄敗常亂俗三細不宥爾無忿疾于頑無求備于一夫必有忍其乃有濟有容德乃大簡厥修亦簡其或不修進厥良以率其或不良惟民生厚因物有遷違上所命從厥攸好爾克敬典在德時乃罔不變允升于大猷惟予一人膺受多福其爾之休終有辭於永世

顧命第廿四

周書

尚書卷十一
四

孔氏傳

成王將崩命召公畢公率諸侯相康王作顧命
顧命

惟四月哉生魄王不懌甲子王乃洮頽水相被冕
服憑玉几乃同召太保奭芮伯彤伯畢公衛侯毛
公師氏虎臣百尹御事王曰嗚呼疾大漸惟幾病
日臻既彌留恐不獲哲言嗣茲予審訓命汝昔君
文王武王宣重光真麗陳教則肄肄不違用克達

殷集大命在後之侗敬迓天威嗣守文武大訓無
敢昏逾今天降疾殆弗興弗悟爾尚明時朕言用
敬保元子釗弘濟于艱難柔遠能邇安勸小大庶
邦思夫人自亂于威儀爾無以釗冒貢于非幾茲
既受命還出綴衣于庭越翼日乙丑王崩太保命
仲桓南宮毛俾爰齊侯呂伋以二千戈虎賁百人
逆子釗于南門之外延入翼室恤宅宗丁卯命作
冊度越七日癸酉伯相命士須材狄設黼宸綴衣

尚書卷十一
三
牖間南嚮敷重篋席黼純華玉仍几西序東嚮敷
重底席綴純文貝仍几東序西嚮敷重豐席畫純
彫玉仍几西夾南嚮敷重筍席玄紛純漆仍几越
玉五重陳寶赤刀大訓弘璧琬琰在西序大玉夷
玉天球河圖在東序胤之舞衣大貝鼓鼓在西房
兂之戈和之弓垂之竹矢在東房大輅在賓階面
綴輅在阼階面先輅在左塾之前次輅在右塾之
前二人雀弁執惠立于畢門之內四人綦弁執戈

上刃夾兩階阼一人冕執劉立于東堂一人冕執
鉞立于西堂一人冕執戣立于東垂一人冕執瞿
立于西垂一人冕執銳立于側階王麻冕黼裳由
賓階濟卿士邦君麻冕蟻裳入即位太保太史太
宗皆麻冕彤裳太保承介圭上宗奉同瑁由阼階
濟太史秉書由賓階濟御王冊命曰皇后憑玉几
道揚末命命汝嗣訓臨君周邦率循大下變和天
下用荅揚文武之光訓玉再拜興荅曰眇眇予末

小子其能而亂四方以敬忌天威乃受同瑁王三宿三祭三咤上宗曰饗食太保受同降盟以異同秉璋以酢授宗人同拜王荅拜太保受同祭濟宅授宗人同拜王荅拜太保降收諸侯出廟門侯

康王之誥第廿五

周書

文十七西重一人吳陸陸立千東堂一人吳陸孔氏傳

康王既尸天子遂誥諸侯作康王之誥 康王之

誥

王出在應門之內太保率西方諸侯入應門左畢公率東方諸侯入應門右皆布乘黃朱賓稱奉圭兼幣曰一二臣衛敢執壤奠皆再拜稽首王義嗣德荅拜太保暨芮伯咸進相揖皆再拜稽首曰敢敬告天子皇天改大邦殷之命惟周文武誕受羨若克恤西土惟新陟王畢協賞罰戡定厥功用敷遺後人休今王敬之哉張皇六師無壞我高祖寡命王若曰庶邦侯甸男衛惟予一人釗報誥昔君

尚書卷十一
文武丕平。富不務咎。底至齊。信用昭明于天。下則亦有熊羆之士。不二心之臣。保乂王家用。端命于上帝。皇天用訓厥道。付畀四方。乃命建侯樹屏。在我後之人。今予一二伯父。尚胥暨顧。綏爾先公之臣。服于先王。雖爾身在外。乃心罔不在王室。用奉恤厥若。無遺鞠子。羞羣公。既皆聽命。相揖趨出。王釋冕反喪服。

尚書卷第十一

尚書卷十一

尚書卷第十二

畢命第廿六

周書

孔氏傳

康王命作冊畢分居里成周郊作畢命
 畢命
 惟十有二年六月庚午朏越三日壬申王朝步自
 宗周至于豐以成周之衆命畢公保釐東郊王若
 曰嗚呼父師惟文王武王敷大德于天下用克受

尚書卷十二
殷命惟周公左右先王綏定厥家必殷頑民遷于
洛邑密邇王室式化厥訓既歷三紀世變風移四
方無虞予一人以寧道有升降政由俗革不臧厥
臧民罔攸勸惟公懋德克勤小物弼亮四世正色
率下罔不祗師言嘉績多于先王予小子垂拱仰
成王曰嗚呼父師今予祗命公以周公之事往哉
旌別淑慝表厥宅里彰善癉惡樹之風聲弗率訓
典殊厥井疆俾克畏慕申畫郊圻慎固封守以康

四海政貴有恒辭尚體要不惟好異商俗靡靡利
口惟賢餘風未殄公其念哉我聞曰世祿之家鮮
克由禮以蕩陵德實悖天道敝化奢麗萬世同流
茲殷庶士席寵惟舊怙侈滅義服美于人驕淫矜
侈將由惡終雖收放心閑之惟艱資富能訓惟以
永年惟德惟義時乃大訓不由古訓于何其訓王
曰嗚呼父師邦之安危惟茲殷士不剛不柔厥德
允修惟周公克慎厥始惟君陳克和厥中惟公克

成厥終三后協心同底于道道洽政治澤潤生民
四夷左衽罔不成賴予小子永膺多福公其惟時
成周建無窮之基亦有無窮之聞子孫訓其成式
惟入嗚呼罔曰弗克惟既厥心罔曰民寡惟慎厥
事欽若先王成烈以休于前政

君牙第十七

周書

孔氏傳

穆王命君牙為周大司徒作君牙 君牙 王若

曰嗚呼君牙惟乃祖乃父世篤忠貞服勞王家厥
有成績紀于太常惟予小子嗣守文武成康遺緒
亦惟先王之臣克左右亂四方心之憂危若蹈虎
尾涉于春冰今命爾予翼作股肱心膂贊乃舊服
無忝祖考弘敷五典式和民則爾身克正罔敢弗
正民心罔中惟爾之中夏暑雨小民惟曰怨恣冬
祁寒小民亦惟曰怨咨厥惟艱哉思其艱以圖其
易民乃寧嗚呼丕顯哉文王謨丕承哉武王烈啓

后德惟臣不德惟臣爾無昵于儉人充耳目之官
迪上以非先王之典非人其吉惟貨其吉若時瘵
厥官惟爾大弗克祗厥辟惟予汝辜王曰嗚呼欽
哉永弼乃后于彝憲

呂刑第廿九

周書

孔氏傳

呂命穆王訓夏贖刑作呂刑 呂刑 惟呂命王
享國百年老荒度作刑以詰四方王曰若古有訓

蚩尤惟始作亂延及于平民罔不寇賊鵠義姦宄
奪攘矯虔苗民弗用靈制以刑惟作五虐之刑曰
法殺戮無辜爰始淫為劓刵極黜越茲麗刑并制
罔差有辭民興胥漸泯泯焚焚罔中于信以覆詛
盟虐威庶戮方告無辜于上帝監民罔有馨香
德刑發聞惟腥皇帝哀矜庶戮之不辜報虐以威
遏絕苗民無世在下乃命重黎絕地天通罔有降
格羣后之逮在下明明棗常鰥寡無蓋皇帝清問

尚書卷十一
五
下民鰥寡有辭于苗德威惟畏德明惟明乃命三
后恤功于民伯夷降典折民惟刑禹平水土主名
山川稷降播種農殖嘉穀三后成功惟殷于民士
制百姓于刑之中以教祗德穆穆在上明明在下
灼于四方罔不惟德之勤故乃明于刑之中率乂
于民棐彞典獄非訖于威惟訖于富敬忌罔有擇
言在身惟克天德自作元命配享在下王曰嗟四
方司政典獄非爾惟作天牧今爾何監非時伯夷

播刑之迪其今爾何懲惟時苗民匪察于獄之麗
罔擇吉人觀于五刑之中惟時庶威奪貨斷制五
刑以亂無辜上帝不蠲降咎于苗苗民無辭于罰
乃絕厥世王曰嗚呼念之哉伯父伯兄仲叔季弟
幼子童孫皆聽朕言庶有格命今爾罔不由慰曰
勤爾罔或戒不勤天齊于民俾我一日非終惟終
在人爾尚敬逆天命以奉我一人雖畏勿畏雖休
勿休惟敬五刑以成三德一人有慶兆民賴之其

尚書卷十一
六

尚書卷十二
六
寧惟永王曰吁來有邦有土告爾祥刑在今爾安
百姓何擇非人何敬非刑何度非及兩造具備師
聽五辭五辭簡孚正于五刑五刑不簡正于五罰
五罰不服正于五過五過之疵惟官惟反惟內惟
貨惟來其罪惟均其審克之五刑之疑有赦五罰
之疑有赦其審克之簡孚有衆惟貌有稽無簡不
聽具嚴天威墨辟疑赦其罰百錢閱實其罪劓辟
疑赦其罰惟倍閱實其罪劓辟疑赦其罰倍差閱

實其罪宮辟疑赦其罰六百錢閱實其罪大辟疑
赦其罰千錢閱實其罪墨罰之屬千劓罰之屬千
剕罰之屬五百宮罰之屬三百大辟之罰其屬二
百五刑之屬三千上下比罪無僭亂辭勿用不行
惟察惟法其審克之上刑適輕下服下刑適重上
服輕重諸罰有權刑罰世輕世重惟齊非齊有倫
有要罰懲非死人極于病非佞折獄惟良折獄罔
非在中察辭于差非從惟從哀敬折獄明啓刑書

胥占成庶中正其刑其罰其審克之獄成而孚輸
而孚其刑上備有并兩刑王曰嗚呼敬之哉官伯
族姓朕言多懼朕敬于刑有德惟刑今天相民作
配在下明清于單辭民之亂罔不中聽獄之兩辭
無或私家于獄之兩辭獄貨非寶惟府辜功報以
庶尤永畏惟罰非天不中惟人在命天罰不極庶
民罔有令政在于天下王曰嗚呼嗣孫今往何監
非德于民之中尚明聽之哉哲人惟刑無疆之辭

屬于五極成中有慶受王嘉師監于茲祥刑

尚書卷第十二

尚書卷第十三

周書文侯之命第十三

尚書卷第十三

文侯之命第十三

周書

平王錫晉文侯秬鬯圭瓚作文侯之命

文侯之命

命

王若曰父義和丕顯文武克慎明德昭升于上敷聞在下惟時上帝集厥命于文王亦惟先正克左

右昭事厥辟越小大謀猷罔不率從肆先祖懷在
位嗚呼閔予小子嗣造天丕愆殄資澤于下民侵
戎我國家純即我御事罔或者壽俊在厥服予則
罔克曰惟祖惟父其伊恤朕躬嗚呼有績予一人
永綏在位父義和汝克昭乃顯祖汝肇刑文武用
會紹乃辟追孝于前文人汝多修扞我于艱若汝
予嘉王曰父義和其歸視爾師寧爾邦用賚爾秬
鬯一卣彤弓一彤矢百盧弓一盧矢百馬四匹父

往哉柔遠能邇惠康小民無荒寧簡恤爾都用成
爾顯德

費誓第卅一

周書

孔氏傳

魯侯伯禽宅曲阜徐夷並興東郊不闢作費誓

費誓

公曰嗟人無譁聽命徂茲淮夷徐戎並興善敎乃
甲冑敵乃干無敢不弔備乃弓矢鍛乃戈矛礪乃

鋒刃無敢不善今惟淫舍牯牛馬杜乃獲斂乃甯
無敢傷牯牯之傷汝則有常刑馬牛其風臣妾逋
逃勿敢越逐祇復之我商賚汝乃越逐不復汝則
有常刑無敢寇攘踰垣牆竊馬牛誘臣妾汝則有
常刑甲戌我惟征徐戎峙乃糗糧無敢不逮汝則
有大刑魯人三郊三遂峙乃楨榦甲戌我惟築無
敢不供汝則有無餘刑非殺魯人三郊三遂峙乃
芻芟無敢不多汝則有大刑

秦誓第卅二

周書

孔氏傳

秦穆公伐鄭晉襄公帥師敗諸崤還歸作秦誓

秦誓

公曰嗟我士聽無譁予誓告汝羣言之首古人有
言曰民訖自若是多盤責人斯無難惟受責俾如
流是惟艱哉我心之憂日月逾邁若弗云來惟古
之謀人則曰未就予忌惟今之謀人姑將以為親

尚書卷第十三
雖則云然尚猷詢茲黃髮則罔所愆番番良士旅
力旣愆我尚有之侏侏勇夫射御不違我尚不欲
惟截截善諛言俾君子易辭我皇多有之昧昧我
思之如有一介臣斷斷猗無他技其心休休焉其
如有容人之有技若己有之人之彥聖其心好之
不啻如自其口出是能容之以保我子孫黎民亦
職有利哉人之有技冒疾以惡之人之彥聖而違
之俾不違是不能容以不能保我子孫黎民亦曰

殆哉邦之杌隍曰由一人邦之榮懷亦尚一人之
慶

尚書卷第十三

尚書卷第十三
 洪範
 洪範之序曰由一人之失而天下之亂
 由一人之德而天下之治
 由一人之善而天下之興
 由一人之惡而天下之亡
 由一人之賢而天下之明
 由一人之愚而天下之闇
 由一人之仁而天下之安
 由一人之不仁而天下之危
 由一人之禮而天下之序
 由一人之不禮而天下之亂
 由一人之信而天下之誠
 由一人之不信而天下之詐
 由一人之忠而天下之實
 由一人之不忠而天下之虛
 由一人之孝而天下之慈
 由一人之不孝而天下之怨
 由一人之弟而天下之睦
 由一人之不弟而天下之爭
 由一人之節而天下之廉
 由一人之不節而天下之奢
 由一人之勇而天下之威
 由一人之不勇而天下之怯
 由一人之剛而天下之強
 由一人之不剛而天下之弱
 由一人之直而天下之公
 由一人之不直而天下之偏
 由一人之簡而天下之易
 由一人之不簡而天下之繁
 由一人之靜而天下之安
 由一人之不靜而天下之亂
 由一人之清而天下之明
 由一人之不清而天下之闇
 由一人之正而天下之公
 由一人之不正而天下之偏
 由一人之平而天下之安
 由一人之不平而天下之危
 由一人之和而天下之睦
 由一人之不和而天下之爭
 由一人之柔而天下之順
 由一人之不柔而天下之逆
 由一人之寬而天下之裕
 由一人之不寬而天下之隘
 由一人之厚而天下之實
 由一人之不厚而天下之薄
 由一人之長而天下之遠
 由一人之不長而天下之近
 由一人之久而天下之固
 由一人之不久而天下之脆
 由一人之久而天下之遠
 由一人之不久而天下之近
 由一人之久而天下之固
 由一人之不久而天下之脆

